

84  
K65



1179930-61

А. КОНОНОВ

# ЛЕНИН ЙЫЛІСЬ РАССКАЗЭЭЗ

КОМИПЕРМГИЗ

1941

КУДЫМКАР



А. КОНОНОВ.

Зк 25  
К 65

# ЛЕНИН ЫЫЛІСЬ РАССКАЗЗЭЗ

Проверен  
1949 г.

0149930-61


ОБЯЗАТЕЛЬНЫЙ ЭКЗЕМПЛЯР

~~БИБЛИОТЕКА  
№ 1194  
Колл. - Пермского  
краеведческого музея~~

Кудымкарская  
МЦБС  
Пермской области

КОМИПЕРМГИЗ  
КУДЫМКАР 1941

А. КОНОНОВ



НАУЧНО-БИБЛИОТЕЧНЫЙ

## РАЗЛИВ ТЫ ДЫНЫН

Ленинград сайын эм станция Разлив. Неылын станция дынсянь—неыджыт ты. Тулыснас, көр лымыс сылас, ваыс береггесис петё, тыыс лоё ыджыт и видззесё вөтьё. Сійён эта местаыс и шусьё Разливён.

Гожумнас, июль кежё, видззез вылын быдмё кузь турун. Локтё кад сійё ытшкыны.

Сэтшөм кадё и локтіс Разливас Лениныс.

Эта вөлі 1917 годё. Ленинлө ковсьыліс сайласьны враггез шогья.

Владимир Ильич селитчис ты сайын.

Сылё лөсьөтісё оланін: турун зород пытшкын весөтісё пустой места, медбы туйис сайөвтчыны зэр шогья,—шогмис шалаш.

Но Владимир Ильичлө сэтшөм квартираыс не өддьён гленитчис. Сія муніс вөрө, кераліс крепыт уввез, чеглаліс улоккез и шалашсё керис асмоснас: уввесё мөртіс муас пыдына, вевттис нійё вевдөрсяняс зелёной улоккезён да быд ладөрсянь турунён. Лоис просторнойжык.

Хозяйство Владимир Ильичлөн вöлі не-  
ыджыт: жестяной чайник, котёлок, чер, пи-  
ла да коса.

Пондіс Ленин овны шалашас.

Медлюбимой местасылөн вöлі ыджыт  
мыр дынын бадь кусттэз коласын.

Ленин пуксыывліс сэтчин му вылө, тэч-  
ліс мыр вылө бумага листтэз да гижліс.  
Бадь кусттэз сайөвтлісө сійө быд ладорсянь.

Быд рытө ты вылас мыччисьліс пыж. Этө  
верной морт ваявліс Ленинлө Петроградсис  
виль газетаэз да письмоэз.

Владимир Ильич лыддьөтліс письмоэз,  
внимательной видзөтліс газетаэз и быдөс,  
мый сійө интересуйтліс, отмечайтліс лöz  
карандашөн.

Петроградын пессьөмыс эз дугдыв.

Рабочөйез лөсьөтчисө бойө асланыс  
враггез вылө—буржуазия да помещиккез  
вылө. Нія велөтчисө военной стройө, ве-  
лөтчисө пользуйтчыны оружиеөн—лөсьөт-  
чисө вооружённой восстаннө кежө.

Крестьяна сотлісө помещиккезлісь усадь-  
баэз, босьтавлісө аслыныс му.

Ленинлө вöлі вежөртана: победаыс ма-  
тын.

Владимир Ильич быд лунө ысталіс Пет-  
роградө письмоэз—ёрт Сталинлө, Дзержин-  
скийлө, Свердловлө.

Письмоэзын сія сеталіс указаннөэз сы  
йылісь, кызд пондөтны вооружённой вос-





Ленин—Разливын. Картинаыс художник  
М. Соколовлөн.

станнё: колö медперво босьтны телеграф да телефонной станция; колö займитны асланым войскоэзөн Нева ю вылись поссэз; колö вештыны матöжык Петроград дынö революционной моряккезөн военной корабллез.

Сидз ленинскойö шалашись мунисö Петроградö приказзэз вооружённой восстаннё йылись: шалаш лоис революция штабөн.

А враггез эта кадö Ленинсö быдлаись кошшисö, но адззыны эзö вермö. Буржуазной газетаэзын гижлисö, что Ленин лэбзис аэропланён граница сайö, что сия сайöвтчис мореö подводной лодка вылын.

Ленин лыддьотіс да сераліс:

— Вот шуттэз!

Сія кадө өддьөн сьөкыт вөлі сёянөн, и Ленинлөн мукөдпырся эз вөв нельки няньыс. Шуны кө, Ильич часто и вунөтліс сёйөмыс йылісь; касьтывліс, что өддьөн тшыг, только сэк, көр сылө вайлісө станцияысь завтрак.

Өтпырись разливскөй челядь кутісө тысис ыджыт щукаөс и вайисө сійө шалашө.

Шалаш одзын Ленинлөн өшаліс майөжоккез вылын котёлок.

Челядь мөдісө сэк жө пуны Ленин понда эта щукаысь черива. Но Владимир Ильич сувтөтис нійө:

— Сулалө-ко! Талун менам эм эшө нянь да чай. А ашын обед кежас нем абу: колямө-ко щукасө обед кежө.

Владимир Ильич ытшкис турун, косьтис сійө, а зэр одзын тэчліс сійө зородө.

Өтпыр вөр сайсянь лэбтисис ыджыт кымөр и вевттис аснас джын нёбосө. Владимир Ильич пондіс тэрмасьны: пондіс тэчны турунсө зородө. Вирдыштөм торйөтис кымөрресө, пондіс гымавыны. Но, көр пондіс зэрны, туруныс вөлі тэчөм ни.

Зэр бөрын руыс лоис сөстөм, нырө вачкис цветтэз дукөн, уль турунөн, муөн. Бөра пондіс свиттявыны шонді вылын ты. Эта кадө Ленин казяліс: берег дынө локтыштіс пыж.



Ленин видзѳтис и лоис рад:

— Серго локтис!

Серго Орджоникидзе мунис туек кузя, куштэз коласѳт, и Ленинсѳ эз адззы.

И кѳр Владимир Ильич петис сы дынѳ куштэз сайсянь, Орджоникидзе кымѳртчис: кытшѳмкѳ тѳдтѳм морт... Кысянь сѳя? Мыйлѳ сѳя ветлѳтѳ Ленин оланѳн дынѳт?

Владимир Ильичѳс былись сьѳкыт вѳли тѳдны: тошыс да уссэс сьлѳн вѳлисѳ бри-тѳмѳсь, кепкаыс лажмыта вештѳма кымѳс вылас, пасьтасьѳм сѳя вѳли орѳм соса важ пальтоѳн...

Ленин здоровайтчис, но Орджоникидзе сѳ эшѳ эз тѳд сѳйѳ. Сэкс Владимир Ильич гажѳн вачкыштис сѳйѳ пельпон кузя:

— Мый, он вермы тѳдны, ѳрт Серго?

Только сэтѳн Орджоникидзе тѳдис Ле-нинѳс.

Нѳя мунисѳ шалашѳ. Серго локтис сет-ны ѳрт Сталинсянь Владимир Ильичлѳ важ-нѳй юѳррез. Не быдѳс туйис гижны пись-моэзѳ. Ленин велѳтис ассис ѳрттэсѳ видзны секретнѳй указаннѳэсѳ тѳдвылын, а не гиж-ны бумага вылѳ: бумага вермис сьурны враг-гез либо предателлез киэзѳ.

Дыр баитис эта лунѳ Владимир Ильич ѳрт Сергокѳт; а асывнас видзчисьтѳм гѳ-сьыс мунис Петроградѳ. Сѳя кыскис Сталин-лѳ Ленинлись ответ да указаннѳэз.

Чожа эта бөрсянь локтіс Владимир Ильич дынө өтік ёрт да висьталіс:

— Центральной комитет решитіс, что тэныт буржык лоас мунны Финляндияө. Эстөн тэнө вермисө казьявны ни.

Ленин пондіс серавны:

— Мэнө сэтөн уджавны ни медавлісө— турун косьтыны. Өтік старик вовліс, өддьөн серьёзной.

Ёртыс повзыштіс:

— Вот адззан! Можот, эта сыщик? И татісь лесникыс тожө, некө, адззылөма тэ- нө...

Владимир Ильич панөвтіс:

— Но, эта абу нем! Не лесник, не старик умөльсө меным озө керө. А вот зэ- рыс... зэрыс, пожалуй, менө татісь вөтлас: эд меным өні эстөн уджавны некытөн.

Сія дзарнитіс аслас любимой места вы- лө: мырыс сулаліс ва, нильыг, сія доррезөт- тис вевттисьөма поснитик тшаккезөн и нель- ки кыз бытьтө пыктөма.

Кык лун бөрті Лениныс ассис шалашсө колис.

А ленинскөй шалашись хозяйствоыс— чер, котёлок, чайник да коса— куйлөны өні Ленин Музейын, Москваын. Сэтчин жө өша- лө стеклянной шкафын и пальтоыс, көдө новыис сэк Лениныс; сія өддьөн простөй,

важ, гөрдокодъ-зелёной рёма, и сосыс сы-  
лөн самой пельпон дынас чуть косясьома.

Этö пальтосö сетис Ленинлö рабочöй  
Аллилуев сия ойö, көр Владимир Ильич му-  
нис Разливас.

### *№ 71 ПОЕЗДЛÖН КОЧЕГАР*

Ленинлö обязательно колис мунны Рос-  
сияись Финляндияö. Но кызд этö керны?  
Враггез кошшисö сийö быдлаись: быд стан-  
цияын вöлисö сувтötömöсь белогвардейскöй  
карауллэз; поезддэзын кошшисьлисö. Но  
большевиккез думайтисö, кызд мунны Ле-  
ниныслö.

Ойнас, öтик час дас минутаö, Удельной  
станцияын должен вöли сувтны поезд № 71.  
Эта поездись машинисткöt вöли условитчöм:  
сия сувтötас паровозсö станция вылас нев-  
на ылöжык, нежели колö,—платформа са-  
мой концеас, кытчö оз сюр электрической  
фонарьлөн югытыс. Кочегар паровозсис  
мунас, а сылись местасö займитас Владимир  
Ильич и эта паровоз вылын мунас Фин-  
ляндияö.

№ 71 поездись машинист некөр эз адззыв  
Ленинöс. А ежели бы и адззылис сийö көр-  
кö, öни бы эз тöд: эд тошыс Ленинлөн вö-  
ли бритöма, кымöсыс вевттöма юрсийөн—  
парикөн. Парик вевдöрас вöли пунктöма съод  
картуз.

Көр поездыс сувтчис и кочегар чеччөв-  
тіс пемытінас му вылө, Владимир Ильич  
увереннөя кайис лиснич кузя паровоз вы-  
лө. Машинистыс нельки шы эз сет: сылө  
вөлі вежөртана, что этө Ленин.

Өні паровоз вылас сулалісө куима: ма-  
шинист, сылөн помощник да Ленин.

Паровозсө лонтлісө песөн. Владимир  
Ильич видзөтыштіс: машинистлөн помощ-  
ник чапкаліс пессэсө перво особөй клет-  
каө, неылын топка дынсянь. Пессэс кось-  
мывлісө, помощник невнаөн чапкаліс нійө  
биө, а шоммесө рознитліс көртовөй зырөн,  
медбы буржыка сотчисө.

Владимир Ильич адззис стена вылісь  
көрттув, өшөтіс сэтчө пальтосө, пуджис  
соссэсө и кутчис кочегар удж бердө.

Сія тэчліс уль пессэсө клеткаө, чапкав-  
ліс нійө печкаө, сорлавліс зырөн сотчан  
головняэсө. Машинист сө бергөтчывліс да  
дивуйтчөмөн видзөтліс Владимир Ильич  
вылө, а помощник вөлі өддьөн довольнөй:  
сылө өні позис шоччисьны. Сія пуксис бо-  
кө, тшынөтыштіс трубканас, видзөтышт-  
ліс виль кочегар вылө.

Сідз локтісө Белоостров станция ды-  
нөдз. Сәті муніс граница. Одзлань пондөт-  
чис Финляндия.

Быдөс пассажиррезлісь пондісө прове-  
ряйтны документтэз. Кошшисө быдөс по-  
ездсө. Машинист котөрөн лэдзчис лиснич



Ленин—паровоз вылын. Гравюраыс художник  
П. Староносовлөн.

кузя, котөртыштис состав дынө и мездөтис паровозсө. Сыбөрын мунис сийөн водокачка дынө—босьтны ва. А босьтис сийө нетэрма-сьомөн. Станцияын вачкис куимөт звонок ни, а паровоз сё эшö сулалис водокачка дынын.



Машинист дынӧ пӧдӧмӧн котӧртіс главнӧй кондуктор и мыччаліс аслас свисток вылӧ: часӧт колӧ мунны! Сэк машинист перыта локтыштіс поезд дынӧ и кышаліс паровоз. Главнӧй кондуктор сетіс свисток.

Станцияын сулаліс офицер и видзӧтіс машинист вылӧ. И, тыдалӧ, мыйкӧ догадайтчис: сія ӧвтыштіс кинлӧкӧ кинас. Паровоз дынӧ котӧртісӧ кынымкӧ солдат...

Но паровоз вӧрзис ни местасис и перыта иньдӧтчис одзлань.

### *ГӖРД ЯГӖД*

Финляндияын, неылын миян границасянь, эмӧсь кык ты—югыт да пемыт. Пемытӧн тыыс кажитчӧ сысянь, что сійӧ кытшӧвтӧ сук вӧр, а югыт тысӧ быд ладорсянь нем оз кытшӧвт, лунтыр сійӧ югдӧтӧ шондӧ, и ваыс тыас сэтшӧм сӧстӧм, что пыдӧсас тыдалӧ быд изокуыс.

Эна тыэз коласын, самӧй вӧр дорас сулалӧ учӧтик керку.

Ӧні сыын некин оз ов, а 1917 годӧ, гожумнас, сэтчин оліс аслас инькаӧн да кык зонӧн финскӧй рабочӧй.

Ӧтпыр керкуокись хозяйкаыс кыліс колесоэзлісь стукӧтӧм. Сія петіс оградаас и казяліс, что локтіс сылӧн жӧникыс и сыкӧт кинкӧ тӧдтӧм морт.

Жӧникыс сылӧ радӧн горӧтіс:



— Этö мян гөсь, Константин Петрович Иванов!

И селитчис эта кадсянь Константин Петрович учөтик керкуокын.

Сія сэкжө пондiс дружитны хозяиныс зоннэзкөт. Пöрисьжык зоныслö вöли кыкьямыс год, а томжыкыслö квать.

Константин Петрович öтлаын челядьыскөт ветлывлiс вөрö. Гожумыс чулалiс ни, и, кыз овлö пыр ар пондөтчикö, вöрын вöли уна пуягөд.

Константин Петрович совсем эз куж баитны финскöй кыв вылын. Челядьыс рочөн тожö эзö тöдö öтик кыв. Дружбалö эта эз мешайт, но сёрнитöмыс эз шогмы. Ягөдсö öктiсö куимөн, а баитыштны эта ягөд йылись некыз эз удайтчывлы.

Невнаөн гөсьыс пондiс вежөртны челядьыслiсь баитöмсö. Нiя часто баитлiсö: „Пунаны! Пунатен пунаны“!

Рочөн эта лоö—гөрд ягөд.

Эна кыввез öддьөн гленитчисö роч гөсьлö. И сiя тожö пондiс баитны: „Пунатен пунаны“.

Казялас турунись гөрд дуюгөдсö и горөтлö:

— Пунаны!

А челядь сералiсö. Öддьөн чуднöя шувлiс энö кыввесö Константин Петровичыс. Но этасянь только гажажык вöли öктыны ягөдсö.

Сыбөрын куимнанныс мунисö югыт ты дынö. Сулаліс шоньт погоддя, и позис ку- пайтчыны.

Константин Петрович паськөмсö чөвт- ліс, но фуражкасö юр вывсис эз босьтлы. Сія уйис фуражканас быдсөн ты кузяас, берегсянь берегөдз. Челядьлö өддьөн охота вöлі юавны, мыля сія уялö фуражкаөн, а кызд юавны, нія эзö тöдö.

Петавліс Константин Петрович васис и фуражкасö сэк босьтліс. Юрсиыс сылөн вö- лі сук, съод, кымöс вылас водліс неволь- кыта.

Прогулка бөрсянь Константин Петрович пыр пуксьывліс гижны. Гижис сія чожа и өддьөн поснита, луннас гижліс өддьөн уна листөн.

Мамныс сэк баитліс челядьыслö:

— Öні сылö эдö мешайтö: сія уджалö.

И челядьыс видзötлісö гөсьыс вылö ылі- сянь. А мөд лунас асывнас бөра сійö ко- рисö вөрö: мыччаласö сылö ягөд увтись пустöй корзинка и горötлöны:

— Пунатен пунаны!

Константин Петрович серөмтчас и чеч- час пызан сайсис:

— Но, пунаны, дак пунаны.

Рыттэзнас вовывліс уджсянь айыс и висьтасьліс город йылісь. Сэтчин только и баитісö, что Ленин йылісь, большевик- кез йылісь, сы йылісь, что Россияын чожа

вашотасо буржуйезос и властьыс лоас народной. Кыксто тысяча руб косийом сетны сыло, кин арестуйтас Ленинос. Сорасьоны буржуйес: сайовтасо рабочоиейез Владимир Ильичос! Сайовтасо сидз, что некин сийо оз адззы.

Константин Петрович кывзис басниэсо, сералыштлис, жагоник вөротис кинас ассисюрисо.

Олис сия учотик керкуокас недыр. Кыдзко локтисо городись кык рабочейой, и госьыс ныкот мунис.

Локтис ар. Югыт тыыс эз ни кажитчы югытон. Берегсянь берегодз гуляйтисо сьокыт пемыт волнаэз, а ойезнас керкуокас кылис, кызд дзуркотоны товсяняс вьорын пожуммез.

Отпыр керкуоксис хозяиныс мунис Петроградо и кынымко лун кежо ошис. Иньыс сылон оддьон тревожитчис: сия тодис, что Петроградын лыйсьоны, рабочоиейез лэбтисисо паныт правительстволо, отлаын ныкот—солдаттэз да матроссэз.

Но вот хозяиныс бертис. Локтис сия оддьон рад и пондис висьтасьны: Россияын рабочоиейез керисо революция, и они сэтчин советской правительството, кодаон веськотло Ленин.

Сыборын сия берегитомон кыскис чемодансис Владимир Ильичлись портрет да мыччалис челядыслө:

— Төдмалатө?

Мамныс пондiс серавны:

— Но кыз жө төдны! Эд ния сийө адззылисö юр вылас юрсийн, и юрсиыс вö-ли кытшөм сук. Сия сылiсь быдöс кымöссö вевттыывлiс.

Но пöрисьжык зоныс горötиc:

— Öни ме төда! Ме төда öни, мыля сия эз босьтывлы фуражкасö, көр купайтчыв-лиc! Сия полiс, что парикыс вамас.

Айыс учötжык зоныслiсь юалiс:

— А тэ төдмалан?

Мöдыс видзöтыштiс портрет вылас и көть не сразу, но тожө төдiс гөсьсö. Син-нэс сьöртi төдiс.

Синнэс Лениныслөн вöлисö особеннö-йöсь.

### *ПОС ВЫЛЫН*

1917 годö ноябрь 7 лун панытö ойнас Петроградын пондötчис восстаннө.

Ойыс вöли сьод, грозной. Фонаррез ули-цаэзас эзö сотчö. Нева вылын пемыт гро-мадинаөн сулалiс большевистскöй крейсер „Аврора“. Биэз сы вылын вöлисö кусötö-мöсь, а орудиеэзлөн дулоэз иньдötömöсь. Зимной дворец вылө, кытөн сайöвтчис буржуазной правительство.

Пемытинын ылисянь кылисö лыйсян шы-эз, гурötисö мотоцикллэз, гымötömөн вет-



173807/8

лісö мостовöй кузя грузовиккес: ны вылын сулалісö винтовкаэзöн солдаттэз да мат-россэз.

Улицаэз вылын сотчисö көстеррез. Красногвардеецез шонтісисö би дынын, негорöн баитісö, видзчисісö приказ наступайтны.



Вооружённой рабочейёзлөн отряддэз  
эта кад кежө босьтисö ни Нева ю вылісь  
быдöс поссэсö.

Öтiк пос вылын сулалiс том петроград-  
скöй рабочейöй Андрей Крутов. Öтлаын сы-  
кöt дозоритiсö поссö эшö кыкьямыс крас-  
ногвардеец. Командуйтiс нiйөн старöй боль-  
шевик, кödö быдөнныс шуисö Василий Ива-  
новичөн.

Ойнас поссö кыкись лыйлісö белогвар-  
деецез, но красногвардеецез вашötісö  
нiйö лыйсьöммезөн, местаись не вөрзёт-  
чöмөн.

Пос кузя туйис мунны только особöй  
пропусккезөн.

Но öтiк морт мунiс пропусктöг. Көр сiя  
локтiс матö застава дынö, Василий Ивано-  
вич оськөвтiс сы дынö киас револьверөн  
да лөгөн юалiс:

— Тэнат пропускыт!

Мортыс сувтiс да көстiс пальтоыслiсь  
лэбтöм воротниксö. Тшöкаыс сылөн вöлі  
зэлыта көрталöма чышьянөн. Сiя негорөн  
мыйкö висьталiс Василий Ивановичлö. Мö-  
дыт вешшыштiс бокö да босьтiс козырөк  
увтö.

Көрталöм тшöкаа мортыс перыт ось-  
көввезөн муныштiс Андрей дынöt пос вы-  
лö и пемытiнас сайöвтчис.

А заставаись начальникыс бертiс аслас  
местаö, сувтiс ордчөн Андрейыскöt. Сiя эз



горотчы отик кыв и сё видзотис сыланьё, кытчө мунис тодтом мортыс. Сэтчин, ю саяс, кадись кадө кылисö лыйсян шыэз.

Медбöрын Крутовыс эз терпит и юалис:

— Мый, мыччалис сия тэныт пропусксö?

Василий Иванович жагöник висьталис:

— Эз. Сия эз ешты сийö босьтны. Сия пыр сайласис... Перво Финляндияын, сыбöрын татөн. А öни вот мунö Смольнойö.

Сыбöрын содтис, и Андрейлö сы голосын чудитчис полём:

— Думайтны только колö: сия локтис татчö белогвардейскöй войскоэз дынöt! Сийö жö вермисö... тэ вежортан, сийö вермисö вийны!

Первуись кылис Андрей, что сылөн командирис баитö сэтшөм голосөн.

Сия видзöтыштис Василий Иванович чужöмö да юалис:

— Да кин этö вöли?

Красногвардейскöй заставаись командирис веськötчис, кыз бытьтö сетис честь, да висьталис:

— Владимир Ильич Ленин.

### *СМОЛЬНОЙЫН*

Ылись сибирскöй деревняись крестьяна кылисö Ленин йылись и решитисö ыстыны сы дынö верной мортос—висьтасьны сьöкыт крестьянскöй олан йылись.

Бөрйисö öтик старикöс, кöдö быдöнныс радейтисö, и лöсьöтисö сийö туйö.

Дыр старик вöли туйын. Медбöрын локтис Петроградö.

Видзöтö: улицаэзын сулалöны винтовкаэзөн рабочöйез. Мунис музыкаөн солдаттэзлөн полк; полк одзас нöбöтисö ыджыт гöрд знамя.

Старик сибöтчис красногвардеец дынö да юалис:

— Этö кыз колö вежöртны?

Мöдыс висьталис:

— А сідз: буржуйезöс да помещиккезöс вашöтимö, а властьыс öнi—рабочöй да крестьянскöй.

Мунис старик улица кузя, пондiс юасыны, кысь адззыны Ленинöс.

Баитöны:

— Смольнöйын.

Дыр сiя мунис городöттис и локтис ыджыт керку дынö.

Керку дынас сотчисö көстеррез, сулалисö пулемёттэз. Пулемёттэз дынын ветлöтисö матроссэз да солдаттэз.

Эта и вöли Смольнöйыс.

Гленитчис стариклö томыник матрос. Сiя сё стукöтис каблуккезнас мостовöй кузя, шовкöтыштлис оча ки—шонтисис: вöли кöдзыт: мореланьянь пöльтис вына тöv.

Старик висьталис сылö:

— Меным бы Ленинöс адззывны.



Ленин да Сталин красногвардеецезкөт Смольнойын.  
*Рисунокыс художник П. Васильевлөн.*

Матрос видзөтис сійö коккезсянь юрөдз да юалис:

— А тэныт мыйлө колө Лениныс дынө?

— Локті висьтасьны сылө асланым крестьянскöй олан йылись.

— Мун, старик, комендант дынө да кор пропуск, — висьталіс матрос и мыччаліс сылө, кытчö мунны.

Лестница вылын комендант дынө сулалис очередь. Паськыт поспуэз вөлісö нильыгось, нятьöсьöсь — тыдалө, уна отир мунөм ны вылөт лунтырөн.

Комендант гижис пропусккесö жагöна: кийс сылөн велалис винтовка бердö, перосö сія видзис витнан чуьна, неувереннöя, полөмөн.

Получитіс сы дынісь старик пропуск, муніс кошшыны Ленинӧс.

Смольной медодза этажын рабочӧйез да матроссез получайтисӧ оружие. Нія ӧтікӧн сибӧтчылісӧ вылын мыгӧра гажа солдат дынӧ, босьтлісӧ винтовка да патроннэз, гижсьывлісӧ и петлісӧ оградаӧ. Сэтчин сувтлісӧ отряддэзӧ и мунлісӧ. Кытӧнкӧ ылын гымӧтісӧ пушкаез: Петроград увтын мунісӧ бойез.

Старик юалис вылын мыгӧра солдатлісь, кытӧн Лениныс.

Солдатыс шынныштис да висьталіс:

— Кватьдас сизимӧт комнатаын.

Кватьдас сизимӧт комната ыбӧс дынын сулалісӧ часовӧйезӧн кык красногвардеец: сьӧд пальтоа уса пӧрись рабочӧй да полушубока том зонка.

Старик висьталіс нылӧ:


— Меным бы Ленинӧс адззывны.

Уса рабочӧй видзӧтыштис старикыс ылӧ да висьталіс:

— Мун веськыта коридор кузя. Ыджыт залын Ленин пондас выступайтны.

Только сэтӧн старик казяліс, что быдӧнныс мунісӧ коридор кузя ӧтік ладорӧ. Сія муніс сэтчин жӧ и казяліс коридор конецсис чочком, паськыта осьтӧм ыбӧс. Ыбӧс дынын уна вӧлі народ.

Старик пондіс кыссьыны одзлань. И только ештис пырыштны залас, кыздз по-



Ленин делегаттэз коласын Смольнӧйын. Картинаыс  
художник С. Герасимовлӧн.

ндіс кывны страшнӧй шум. Старик вежӧр-  
тіс не сразу, мыйын деловыс. Пондіс ви-  
дзӧтчны: быдлаын горӧтлӧны, оча ки вачкӧ-  
ны, шапкаэзӧн ӧвтӧны. И народыс эта мӧ-

дөтөм залоас унажыксө простой: шинел-лезын, полушубоккезын, матросской бушлаттэзын.

И быдөнныс горөтлөны:

— Ленин! Лени-и-ин! Ленин!

Старик лэбтисыштіс кокчуннез вылас и казяліс зал мөд конецсис Ленинөс.

Владимир Ильич сулаліс неыджыт вылынін вылын. Сія видзчисис, көр лөнясө горөтлөммез. Сыбөрын лэбтіс кисө—корис не шумитны.

Но залыс шумитіс, эз лөньсыы.

— Ленин! Да олас Ленин!

Владимир Ильич кымөртчис. Сыбөрын эз вермы видзсыны—шынныштіс. Эшө буражыка пондісө горөтлыны.

Ленин паськөтыштіс киэзнас. Видзчисыштіс невна. И бөра лэбтіс веськыт кисө. Сыбөрын решитіс, тыдалө, не видзөтны сэссия шумыс вылө, мышкыртчыштіс одзлань и пондіс баитны. И сэк жө залын лоис шы не төв.

— Ёрттэз!—шуис Ленин.—Рабочөй да крестьянской революция, көда колөм йылісь пыр баитісө большевиккез, лоис...

Ленин баитіс виль олан йылісь, советской власть йылісь, сы йылісь, что войнасө колө кончайтны, что помещиккезлөн муыс лоас мырддьөм да сетөм крестьяналө.

Старик кывзіс Владимир Ильичлісь речьсө да думайтіс: төдө Лениныс крестьян-



скöй олансö, вежöртö крестьянскöй думаэсö, тöдö Лениныс рабочöй олансö, вежöртö рабочöйеслись думаэсö.

Народыс залoас лоис сё унажык и унажык. Уна тысяча отир лолалöмсянь вöли жар. Чужöммез кузя лэдзчис ньылöм, но некин этö эз казьяв.

Кончитис Ленин речьсö. Старик öнi чорыта тöдiс: правда—Ленин дынын. Колö чожжык бөр мунны деревняö—висьтавны ленинскöй правдасö крестьяналö.

Старик мунис коридор кузя—кошшыны паськыт лестницасö, кöда нуötö ötöрас.

Кинкö сiйö кытсöвтис. Этö вöли том матросыс, кöда сулалис одзжык Смольнöй дынас.

— Но мый, папаша, баитин Лениныскöt аслат олан йылись?—юалис сiя сералöмөн.

— Эг,—висьталис старик.—Лениныс ачыс баитис менам олан йылись.

### *ВРАГЛÖН ЛЫЙÖМ*

Завод главнöй мастерскöйезын пондötчис ни митинг, а оградаас сё эшö сулалис народлөн ыджыт толпа. Видзчисисö Владимир Ильичöс.

Но вот воротаын мыччисис автомашина. Сiя сувтчис мастерскöйезö пыранин одзö. Машина ыбöсокыс осьтчис, и быдөнныс казьялисö Ленинöс.

Владимир Ильич здоровайтчис рабочёйезкөт и аслас шупыт походкаөн пырис мастерскöйез ыбöсö.

Быдöнныс иньдöтчисö Ленин бöрсянь, и оградаас некин эз кольччы.

Шофер бергöтис машинасö ворталаньö, сувтöтис сийö мастерскöйез дынсянь дасвит шаг ылына и пондис видзчисьны.

Кынымкö минута бöрти сы дынö вдруг сибöтчис конувтас съод портфельөн женскöй. Сия юалис:

— Мый, тыдалö, ёрт Ленин локтöма? Шоферыс висьталис:

— Ог тöд, кин локтöма.

Женскöйыс серöмтчис:

— Кыдз жö сідз? Тэ шофер и он тöд, кинöс кыскан?

Шофер видзöтыштіс сы вылö: кытшöм настойчивöй!

— Ог тöд!—повторитис сия кымöртчöмөн. Женскöйыс круто бергöтчис да иньдöтчис мастерскöйезланьö.

Чулалис унажык часся.

Но вот мастерскöйезлөн ыбöсыс осьтис. Порог вылын мыччисис Владимир Ильич.

Сы съöрын оградаас петисö кынымкö работница. Мукöд рабочöйес кольччисö пөтанін дынас. Матросскöй формаа кытшöмкö мужчина сувтіс ыбöсас да паськöтис киэсö.

— Эдö пыкö! Эдö пыкö!—бобгыштіс сія кижгöмөн.

Чужöмыс матросыслөн вöлі пыктöм, синнэс беспокойнöйöсь. Матрос вылö сія вачкисис только паськöмнас. Ыбöс косяк-кезö киэзнас пыксьöмөн, сія сё видзöтіс ограда вылас.

Рабочöйез думайтісö, что матросыс охраняйтö Ленинöс, и асьныс пондісö видзсьыны ыбöс дынас.

Эта кадö Ленин сибöтчис машина дынö. Сія кутчисис ни кинас ыбöсок бердас, но сэтөн работницаэз сетісö сылö кытшöмкö вопрос, и сія бергöтчис ныланьö, медбы ответитны.

Вдруг кыліс лыйöм, сыбöрын сэкжö мöдік. Ленин усис.

Рабочöйез вештісö матроссö бокö и чепöссисö Ленин дынö.

Шофер чеччöвтіс машинасис киас наганөн. Машина шульга бокас сулаліс женскöй, самöй сія, кöда юасис сылісь Ленин йылісь. Шофер уськötчис женскöйыс дынö, пондіс метитчыны наганөн. Женскöйыс көтöртіс да сайöвтчис толпаас. Шофер уськötчис вöлі сы сьöрö, но дзарнитіс: Ленин куйліс му вылын.

Шофер локтыштіс, сувтіс пидзöссэз вылö, мышкыртчис Владимир Ильич дынö.

Кинкö висьталіс:

— Чожжык колö больницаö...  
Ленин лэбтыштіс юрсö да вынтöм го-  
лосöн шуыштіс:

— Не, гортö... гортö.

Шофер висьталіс рабочöйезлö:

— Кыска гортö. Некытшöм больницаö  
ог мун!

Рабочöйез мышкыртчисö Ленин дынö,  
мöдісö пыртны сійö машинаö, но сія лэб-  
тісьыштіс и чуть кылöмөн шуис:

— Ме ачым!

Чужöмыс сьлөн вöлі блед. Одва-одва  
сія сувтіс да пырис машинаö. Но пукавны  
эз вермы и валитчис бокнас пукалан вылö.  
Шофер пöдныштіс машина ыбöсоксö и сэк  
жö машинанас муніс.

А эта кадö кутісö женскöйсö, кöда лы-  
йис Лениныслö. Сія мöдіс сайöвтчыны тол-  
паас, но челядыс оградаас бура заметиті-  
сö сійö и мыччалісö сы вылö:

— То, то сія! Вот сія лыйсис!

\* \* \*

Вöлі эта 1918 годö, арнас.

Рабочöйез тревожитчöмөн да надейтчö-  
мөн следитісö газетаэз сьöрти Ленин здо-  
ровье сьöрын.

Газетаэзын гижисö, что женскöйсö, кöда  
луйліс Ленинлö, ыстісö народлөн враггез  
и что нія отравитісö пуляэсö вына ядөн, мед-  
бы вернöйжыка вийны: сійö.

Ранаыс вöлі öддьöн опаснöй; доктор-рез эзö надейтчö, что Владимир Ильичыс веськалас.

Но вот газетаэзын мыччисис радостнöй юөр: Ленин пондiс веськавны.

Бöра öктiсö заводын митинг. Öтик ёрт лыддьöтiс юөр сы йылись, что Ленинлö лоис долытжык. Сы бöрсянь кайис трибуна вылас старöй работница да горзöмөн висьталiс:

— Етша мийö сийö берегитiм... Вот... эгö вермö берегитны пулясяняс. Кыдз сьöкыта шогалис Ильичыс!

Сыбöрын чöлыштiс, видзöтыштiс аслас ёрттэз вылö и горөн висьталiс сийö, мый йылись думайтiсö быдөнныс:

— Кытшöм эд эта счастье, что миян эм Ленин!

### СУББОТНИК

Кин ветлис 1920 годö миян кöрттуйез кузя, сiя адззылис „паровоззэзлись кладбищеэ“. Сидз шусисö местаэз, кытчö чукöртлисö жугалöм паровоззэсö. Гражданскöй война коста нiя вöлисö жугдöмось снаряддэзөн и öнi куйлисö ыджыт чукöррезөн, чапкöмось кыдз шедас, беспомощнöйось, колесоэзнаныс вывланьö.

Кадыс вöли сьöкыт. Быдлаын тыдалисö войналөн следдэз: юэз вылын взорваннöй поссэз, городдэзын сотöм керкуэз, кöрттуйез вылын жугалöм паровоззэз.



Советско́й странало́ ковсис ассис хозя́йствосо́ строитны вились.

И сэтoн пондoтчис великoй дело: советско́й морттэз пондiсo oксьывлыны праздниккeзo либо будденнезo—уджсянь свободнoй часcэзo—и уджавны весь, медбы отсавны асланыс странало́.

Пондoтисo этo делoсo железнодорожниккeз.

Ния добровольнoя, асланыс желаннeoн кутчисисo разбирайтны „паровоззeзлiсь кладбищеeз“, кошшывлiсo дзонь часттесo, иньдавлiсo нiйo ремонтируйтны, разгружайтлiсo угольoн да песoн поезддeз. Первo сэтшoм добровольнoй уджыс керсис неделя конецo, субботаeзo. Сiйoн и луннэс, кoр советско́й отирыс oксьывлiсo сэтшoм удж вылас, пондiсo шусьыны субботниккeзoн.

Железнодорожниккeз пример сьoрти пондiсo керлыны ас дынаныс субботниккeсo и заводдeзiсь рабочoйeз.

А 1920 годcя Май 1 луныс вoли oбъявитoма всероссийско́й субботникoн. Эта праздничнoй лунo уджалiсo быдлаын, Кремльcянь пондoтчoмoн да кытoн-нибульылiсь Сибирьын рабочoй посeлокoн кончитoмoн. Но удж вылo отирыс мунiс, кыдз праздник вылo,—музыка оркестррезoн.

Эта лунo аcывнас дас часo Кремльын сьoрсьoн-бoрсьoн куимись ыпкис лыйис пушка. Кремлeвско́й военнoй школаиcь ра-

бочөйез, служащөйез, курсанттэз петисө  
площадь вылө.

Көр быдөнныс сувтисө ряддэзө, медбы  
удж вылө мунны военной стройөн, Крем-  
лись комендант висьталіс:

— Ёрт Ленин мунө примитны участие  
субботникын.

Владимир Ильич перыта муніс одзлань.

Военной школаись комиссар корис  
Ленинсө займитны местасө одзас, веськыт-  
ланяс, — кыз старшөйлө. Ленин сэк жө  
сувтис, кытчө сылө висьталісө. Сетисө ко-  
манда:

— Ряддэз, строитчө!

И сыбөрын:

— Веськытлань, шагом марш!

Быдөнныс мунісө в ногу музыка съөр-  
ти, военной, Кремльын сія места дынө, кы-  
төн вөлісө валитөмөсь керрез, иззэз, пөв-  
вез, ёг. Сэтөн жө валяйтчисө жугалөм по-  
возкаэз; му вылын тыдалісө бомба взрыв-  
везсянь гарйөм ямаэз. Быдөс эта кольччис  
этчө Октябрьской революция коста бело-  
гвардеецезкөт пессьөм бөрын.

Коліс өтік лунөн весөтны да вайөтны  
порядокө быдөс Кремлёвской площадьюсө.

Перво кутчисисө керрез бердө. Быд кер-  
сө ковсьыліс нөбөтны кыкөн, а то и нө-  
льөн, ежели сія вөлі өддьөн ыджыт. Ленин  
уджаліс параын өтік военнойкөт. Воен-  
нойыс сө пессис сетны Ленинлө керлісь

вösнит конецсö, а ачыс кутчисьліс кыз да сьökытжык конец бердö. Но Владимир Ильич сэк жö этö казяліс и пондіс керрез бердас кутчисьны первöйөн.

Сэк военнöйыс висьталіс:

— Меным кыкдас кыкьямыс год, а тэныт витдас.

Ленин пунктіс сьökытжык конецсö аслас пельпон вылö да серöмтчис:

— Вот тэ и эн спорит мекöt, ежели ме пöрисьжык.

Новйисö площадь вывсис быдöс керресö и кутчисисö öддьөн ыджыт дубовöй кряжжез бердö. Нійö тэчлісö зоррез вылö и новйисö квать мортөн. Эта уджыс вöлі некокнит; нельки привычнöй рабочöйезлөн чужöммез кузя лэдзчисö ньылöмлөн гырьись воттез.

Öні Владимир Ильичкöt уджалісö куим курсант да кык рабочöй.

Öтік рабочöй видзötіс, видзötіс Лениныс вылö да медбöрын шуис:

— Владимир Ильич! Мийö бы эстөн тэтөг керсимö, тэнат делоэз эмöсь важнöйжыкöсь.

Владимир Ильич ответитіс:

— Öні эта деловыс медважнöй.

И яркöй шондісянь, сысянь, что ордчөн уджалö ёрт Ленин, быдөнныс чувствуйтисö: талуння сьökыт уджыс—этö радостнöй праздник.

Быдыс мөдiс асьсө мыччавны Владимир Ильич одзын уджас буржыкөн; кылиссө шуткаэз, сералөм, песняэз. Быдөнныс пессиссө не кольччыны Ленин сьорись.

Ленинлөн вөли өддьөн шупыт походка. Нельки көр сия думайтлис гортас книга, көдө гижлис, либо речь, көдө сылө колис висьтавны, сия өддьөн перыта эта коста ветлөтис комната кузя пельөссянь пельөсөдз,—эз ветлөт, а почти котрасис.

Сидз жө перыта сия новйис субботник вылын и керресө.

Медбөрын быдөнныс мыдзиссө и пуксиссө шоччисьны, куритыштны.

Владимир Ильич эз курит, да и шоччисьны кыз бытьтө эз лөсьөтчы. Сия видзөтлис то часы вылө, то кольччөм дубовөй кряжжез да из чукөррез вылө. Медбөрын сёдаки пуксис шоччисись ёрттэс дынө. Кинкө корис сийө куритны. Ленин откажитчис и висьталис, что сия куритис только өтпыр, көр эшө велөтчис гимназияын. Занятиеыс эта сылө эз гленитчы, сия сидз и эз понды куритны. Быдөнныс вөлиссө радөсь баитыштны Владимир Ильичкөт дыржык, но сия бөра кыкис часы:сылө талун колис эшө ештыны Совнарком заседаннө вылө.

Шоччисьөм бөрын пондiсө новйыны носилкаэз вылын из да ёг чукөррез.

Ленин тэрмасис, пессис уджавны эшө чожжыка, но субботник конецөдз кыным-

кө минутаон оджык сыло сёдаки ковсис мунны: сійө видзчисисö народнöй комиссаррез.

Площадь вылын уджыс кольччис етша ни. Сійө чожа кончитисö и рознитчисö мыдзöмöсь да öддьон довольнöйöсь. Быдөнныс вежöртисö—талун ния керисö былись важнöй дело: мөдик субботник выло петасö быдлаын советскöй отирлөн виль миллионнэз.

Петасö сійөн, что примерсö нылö мычалис Ленин.

### *КАШИНОÖ ВЕТЛÖМ*

1920 годö Кашино деревняись олссез строитисö ас дынаныс электрическöй станция.

Сэк эта вöли öддьон сьöкыт дело: эзö вöлö медколан товаррез; көрттув—и сия лоис деревняын шоча.

И вот сэтшöм кадö кашинскöй крестьяна асьныс, асланыс вынөн, асланыс собственнöй желаннё сьöрти пондöтисö строитны электрическöй станция.

Мырсьöмөн судзöтисö кынымкö моток телефоннöй провод. Сия вöли öддьон кыз, гардöма проволокаись. Сійө ольсалисö му кузя и пондисö путшöтны шипцыэзөн, клециэзөн и просто куш киэзөн. Путшöтисö—проволокаыс лоис уна.



Вөрись вайисö керрез, пилитисö столб-  
без вылö, волькыта стружитисö.

Öнi колiс судзöтны электрической ма-  
шина—динамо.

Ежели сiя кадö некокнит вöли небны  
кöрттув, то кытшöм жö сьöкыт вöли су-  
дзöтны динамомашина!

Мунисö кашинской крестьяна Москваö.  
И кытчö бы нiя эзö вовлö, пондöтлисö баи-  
тöмсö сысянь, что вот Ленинлөн эм план—  
нюжöтны электричество быдсөн страна  
пасьта; нiя, сiдзкö, эта ленинской план  
сьöрти и действуйтöны.

И кöть и не сразу, а керисö кашинец-  
цез ассиныс: динамомашинасö получи-  
тисö.

Вайисö сiйö Кашиноö, сувтöтисö ыджыт  
сарайö.

Сувтöтлисö быдсөн улица кузя столббез,  
нюжöтисö проволока, быд керкуö сетисö  
электрической лампочкаөн.

А көр быдöс вöли готов, ыстисö Ленинлө  
письмо: пригласитисö сiйö электростанция  
осьтöм кежö.

Письмосö ыстисö, а эз веритчы: кытись  
жö Ленинлө локны, некөр сылö...

Сёдаки пондисö лöсьöтчыны. Медыджыт  
керкуын сувтöтисö кузь пызан, лабиччез,  
а быдöс лишнойсö—сундуккез, кроваттез—  
петкötисö öтөрö. Пуисö, пöжалисö, мымда  
вермисö, угощеннө.

Сибөтчис электростанция осьтан лун—  
ноябрь 14 лун.

Крестьяна эзö ни и тöдö, видзчисьны я  
Ленинсö.

И вдруг туй вылын мыччисис вевтты-  
тöм легковöй машина.

Челядөккез медодз котöртисö паныт. Ма-  
шина сувтис. Сыын пукалисö Владимир Ильич  
да Надежда Константиновна.

Владимир Ильич юалис челядьлис:

— Кытөн эстөн тиян электростанцияыс?

Челядь лоисö радöсь:

— Ыскöвтöt, сэк мыччалам.

Пуксьötис Ленин челядьöс машинаö, му-  
нисö.

Ыджыт керку дынын панталисö сийö кре-  
стьяна.

Пондötчис керкуын баитöм. Ленин висъ-  
тасис крестьяналö правительство удж йы-  
лис, висътасис белогвардеецез вылын  
Краснöй Армия победа йылис, поздравитис  
крестьянасö эта победаөн.

Пондисö крестьяна висътасьны Ленинлö  
асланыс делозз йылис.

Ленин кывзис интересөн. Көр висъта-  
сисыс дугдылис баитны, Владимир Ильич  
сийö бодрöйсöтлис:

— Но, а одзлань?

Ленинлөн вöли замечательнöй память:  
сия сэкжö пондис тöдны, кыз кинöс шуö-  
ны, и сыбöрын шувлис крестьяна-старикке-

сö нимөн-айнимөн: Алексей Андреевич, Василиса Павловна. Өддён эта стариккеслө гленитчис.

Баитöмыс шогмис сэтшöм интереснöй и Ленин понда и крестьяна понда, что некин эз и казав: луныс чулалö ни. Беспokoитчис только öтик морт—фотограф. Сия локтис снимайтны Владимир Ильичöс öтлаын крестьянакöt и öни сё думайтис тревогаөн: чожа рыт, снимокыс, пожалуй, оз пет—югытыс етша.

Медбöрын сия решитчис:

— Владимир Ильич, крестьянаыс мөдисö бы снимайтчыны тэкöt.

— А... но, бур,—ответитис Ленин. А ачыс баитис одзлань.

Чулалис эшö дас минута мымда. Öшын сайын пондис пемдыны.

Фотограф шуис отчаяннён:

— Кынымкö минута бöрти лоас сёр ни снимайтны!

Владимир Ильич видзöтыштитис сы вылö. Снимайтчыны вöли неохота, но Ленин уважайтис йöz трудсö: фотограф натодель локтис городсис, öштитис кад.

И Ленин шуис:

— Но, мунö оградаö, лöсьötчö. Мийö Надежда Константиновнаыскöt часöt петамо.

Фотограф котöртис аппаратнас öтөрö, пондис сувтöтны сийö. Горе сылö вöли че-

лядькөт: уськөтчисö быд ладорсянь, норovitчöны пуксьыны самöй аппарат одзö.

Петисö керкусис и Владимир Ильич Надежда Константиновнакөт. Фотограф пуксьötis нийö шöрас, а ны гөгөр пондiс пуксьötлыны крестьянасö. Но и сэтөн сорласисö челядь: бергалисö коккез увтын, жмитчисö матöжык Владимир Ильич дынö.

Фотограф лөгасис: колö, медбы быдөнныс пукалисö гусьөн, а то снимокыс изводасяс.

Владимир Ильич тожö пондiс уговаривайтны челядьсö; мыччалiс нылö аппарат вылö:

— Тийö вон аппарат съод осьтаокас видзötö.

Пондiсö челядь видзötны аппарат осьтаокö. Фотограф чапкис аслас юр вылö кузь съод чышьян и ровно кыз кулис сидз.

Ленин висьталiс сылö:

— Тэ меным челядьсö эн кынт.

Быдөнныс серöмтчисö:

— Нем оз ло, ния миян здоровöйöсь, терпитасö.

Челядьыс бöра вөрзьötчисö: баитисö ны йылись. Сэтөн фотограф эз вермы терпитны да горötis:

— Смирно!

Ленин шынньыштитiс, и сидз, шыннялöмнас, и петис фотография вылас.

Эта бөрсянь площадь вылын осьтсис митинг.

Площадь шөрын сулаліс вылын столб, сы вылын өшаліс виль электрической фонарь: сійө эшө отпыр эз на озтылө. Столб вөлі каттьом зелёной көзовой лысоккезон да гөрд лентаэзон. Фонарь увтын сулаліс пызанок. Татчө и вайөтісө Ленинсө.

Гөгөр өксисө крестьяна не только Кашино деревняись, но и мөдік посаддэзісь да деревняэзісь. Уна локтісө татчө ылісянь.

Ленин висьталіс речь:

—Тіян Кашино деревня лэдзө электрической станция. Замечательной дело! Но эта —только пондөтчөм... Миян задачаыс сыын, медбы быдөс миян республикаыс вөлі кисьтөма электрической югытөн...

Көр Ленин речьсө кончитіс, струнной оркестр орсіс „Интернационал“. И сія жө минутаө сарайын, кытөн сулаліс динамомашина, монтер лэдзис ток.

Площадь вылын өзйис электрической фонарь, керкуэзын сэкжө өзйисө биоккез.

Одзык кашинской крестьяна сотлісө ас дынаныс учөтик коптилка-лампочкаэз; ния сотчисө одва-одва, пемыта, зелёной-кодь биөн.

А өні кинкө, яркой электрической югыт вылө видзөтөмөн, висьталіс:

— Вот и өзйис миян Ильичлөн лампочкаыс...



Пондіс Ленин прощайтчыны крестьяна-көт.

Прощайтчис, муніс машина дынө. Вөлі дзирс пемыт, чужөмө пөльтіс көдзыт ноябрьскөй төв.

Көр мунісө ылө ни, Владимир Ильич дзарнитіс бөрас. Бөрас, пемыт ыббез коласын, бура югьялісө кашинскөй керкуэзлөн өшыннэз.

### **СОКОЛЬНИКИЫН ЁЛКА**

Ёлкала ветлыны вөлі неылын. Сэтөн жө, Сокольникиын, бөрйисө буржык да кудриажык пу, кералісө да вайисө леснөй школаө.

Челядь адззылісө, кыз ёлкасө вартісө крестовина бердө—крест на крест вачкөм кык пөв бердө, медбы крепыта сулаліс джоджын. Сыбөрын монтер Володя нюжө-тіс ёлка югдөтөм понда проволока и увез бердө өшлис электрическөй лампочкаэз.

Ашынас чуть не самөй асывсянь пондісө видзчисьны Владимир Ильич Ленинөс. Отөрас вөлі эшө югыт, а Челядь сійө и керисө юасисө школьнөй завхозліс:

— А мый, ежели Лениныс оз лок?

— А ежели пурга бөра лоас, Лениныс сёдаки локтас? Али оз?

Завхозөн вөлі пөрись петроградскөй рабочөй. Сія төдіс Ленинөс эшө револю-

цияөдз. Сійөн именно сылісь и юавлісө. И сія отвечайтліс увереннөя:

— Раз Ильич висьталіс, что локтас, значит локтас.

Локтіс рыт. И былись пурга лэбтісис. Пондіс шутнявны пожуммезын төв, көс лымыс пондіс му вылөттис бергавны чочком змейкаэзөн. А сыбөрын нёбосянь пондісө усьны чочком лымоккез.

Ёлкаыс вөлі мөдөтөм ни. Быдөс чачаэсө челядыс керисө асьныс. Сэтөн вөлісө и ошшез, и көччез, и слоннэз. А быдөнся буржык вөлі гөрд рожабана да чочком тоша дед Мороз; пукаліс сія ёлка вылын—самөй йылокас.

Кадыс муніс, а Ленин сө эз вөв.

И сэтөн челядь кылісө, кыз кинкө ыджыттэз коласісь гусьөн моз шуис:

— Но, сэтшөм пургаө... конечно, оз лок. Челядыс бөра котөртисө пөрись завхоз дынө.

Завхоз висьталіс лөгөн:

— Эдө лякасьө. Шуа: раз сія висьталіс, что локтас, значит локтас.

Пондісө бөра видзчисьны. Öтөрас шутнялө төв, көс лымыс горөн вартө öшын стеклоэзө. Сідз эта шум коста эз и кыв, кыз локтыштис школа дынө машина. Машинаись петис Владимир Ильич.

Сія кайис лестница кузя, чөвтчис, чышкис чышьянокөн сылөм лымсянь ва чужөм-

сө. И сэк жө муніс ыджыт комнатаө, че-  
лядь дынө.

Нія сэк жө сійө төдісө: кынымись ни  
нія адззылісө Ленинлісь портретсө! Но мы-  
лякө перво өшисө—сулалісө и местаись  
эзө вөрзьөтчө. Видзөтісө Ленин вылө и шы  
эзө сетө.

Владимир Ильич эз понды дыр видзчись-  
ны. Сія хитрөя куньыштіс синнэсө да юаліс:  
— А кин тіян коласісь каньөн да шы-  
рөн кужө орсны?

Медодз висьталіс медыджыт нылочка,  
Вера:

— Ме!

— И ме!—горөтіс горөн зоночка Лёша.

— Но, сэк тэныт и лоны каньөн,—вись-  
таліс Владимир Ильич.

Челядьыс сувтісө кругө. А ёлкаыс шө-  
раныс.

Лёша вөтчис Вера сьөрө, Вераыс котөр-  
тіс ёлка сайө. Лёша—веськытланьө, Вера—  
шульгаланьө. Лёша—шульгаланьө, Вера—  
веськытланьө. Сэк Лёша уськөтчис учөтик  
Катя дынө. Катя кутчисис Ленин бердө,  
медбы дзебсисьны. Владимир Ильич лэбтіс  
киэз вылас сійө вылына:

— Не судзөтны каньлө шырсө!

Дыр котрасис Лёша, и сө сылө эз лө-  
сяв. Сыбөрын кутіс сія Сеня зоночкаөс.  
И лоис шырөн, а Сеня—каньөн.

Орсісө дыр, и быдөнныслө лоис жар.

Сэтөн осьтсис ыбөс, и комнатаö пырис ыджыт сера слон. Челядьыс чирөстисö хорөн. Былись, уна ны коласись сэк жö тöдисö школьнöй роялись тöдса сера чехол. Но кин чехол увтас? Чехол жагöна öвтчис, одзас вöрис кузь хобот; слоныслөн одзись коккес вöлисö көмөтөмөсь пимиэзö, а бöриссес—ботинкиэзö. Не кутчыны кө споритны, эта öддьөн вöли вачкисяна настоящöй слон ылö. Слоныс, роксөмөн, мунис ёлка гөгөр, öвтчыштіс прощайтчытөн-няс хоботнас и бөра пөрласьөмөн мунис ыбөсö. А ыбөс саяс чехол увтсис петисö монтер Володя да школьнöй сторож, кыкнанныс вöлисö мастеррез быдкодь выдумкаэз ылö... Петисö ния чехол увтсис и бертісö комнатаö. А сэтчин ваксисö челядь; эта ваксьөмсянь чеччалыштліс ёлка йылокас дед Мороз.

Медбура петкөтіс серөмсö сия, что челядьыс көть и төдисö роялись сера чехолсö, а видзны слонсö комнатаас, медэз мунсідз чожа, сёдаки эзö лысьтö: а вдруг настоящöй?

Уна эшö гажаяс вöли эта рытö.

Кинкө челядь коласись горөтіс:

— Öнi гораньөн! Гораньөн!

Владимир Ильич кыскис чышьянок, көрталіс ассис синнэсö.

Монтер Володя чожжыка вештіс ёлкасö самöй угöлас, и комнатаас местаыс лоис уна.

Ленин паськөтис киэсö и кокчуннезвы-  
лас мунис одзлань.

Челядьыс рознитчисö кин кытчö вермис.

Сыбöрын пондисö гусьон сибöтчыны  
Владимир Ильич дынö да горöтлисö:

— Жар!

А көр Владимир Ильич вöли öддьон  
матын челядь коласись кинкö дынын, сылö  
горöтлисö:

— Сотчан!

Но челядьыс хитрöйöсь: пуксыштасö  
кекеркаон Лениныс самöй ки увтö—сия оз  
и павкöt, мунас бокötтяс.

Сэк бöра горöтлисö быдöнныс:

— Көдзыт, кынман!

Ленин казялис, что быдöнныс челядьыс—  
öддьон проворнöйöсь, орсöны ловкöя и,  
тыдалö, дыр сылö ковяс ветлötны көрта-  
лöм синнэзнас.

Сэк сия керис сідз, бытьтö мунас одзас,  
а ачыс чожа бергötчис кокчуннез вылас и ку-  
тис öтик зоночкаос, көда вöли сы спина сайын.

Челядьыс горöтлисö, кыз коліс:

— Тöd, тöd!

А кутöмыс сералис да старайтчис мез-  
дötчыны. Этö вöли зоночка Сеня.

Владимир Ильич малыштис сылись юрси-  
сö, нуötис чуннезнас кымос кузя, тшöка кузя:

— Сеня!

Сенялö вöли и жаль, что сия сідз шедис,  
и бур, что Ленин сійö пондис тöдны.



Сыбöрын учöтик Катя лыддьöтис Пушкинлись стиххез, да сорасис. И пондiс горзыны.

Ленин пондiс сiйö бурöтны.

Катя дугдiс горзыны, чышкис чышьянокөн синваэсö да шуис:

— Ленин, а тэ эн мун мян дынись. Сидз и ов сэтөн.

Ленин серöмтчис:

— Да ме и сидз неылын ола.

Сыбöрын быдöнныс пондiсö котрасьны ёлка гөгөр. Учöтик Катя котöртiс ордчөн Владимир Ильичкöt. Владимир Ильич видзис сiйö киötтяс. Ленинлөн кийс вöли ыджыт, шоньт.

Эта кадö Надежда Константиновна Крупская да Мария Ильинична, Владимир Ильичлөн сойыс, пыртiсö комнатаö подароккезөн ыджыт корзина. Этнö подароккесö вайис челядыслö Ленин.

Кинлö дөнзис автомобиль, кинлö труба, кинлö барабан. Катя получитiс акань.

А Ленин кызкö казаявтöг, шумыс увтö, петiс комнатасис да мунiс.

Вот кытшöм вöли Сокольникиын 1919 годö ёлкаыс.

### *ЗОНОЧКА ДА ЛЕНИН*

Ям посадись мунiс зоночка. Сiя нöбötиc пустöй корзинка.

Туйыс сылө вөлі төдса: ыб, юок, юок  
весьтөт пос. А пос сайын туёкыс нуөтис ке-  
рөсө. Керөс вылын ыджыт пуэз сайын су-  
лаліс колоннаэза чочком керку.

Неылын эта керку дынсянь зоночка вө-  
тис лөз йөрнөса да тапочкаэза мортөс.

Зоночка висьталіс сылө:

— Сэтөн Ленин олө.

Мортыс ыджыт кымөс вывсис кепкасө  
вештис юрбөр вылас да, шондісянь синнэсө  
чыкыртөмөн, видзөтыштис зоночка вылө.

„Городскөй“, думайтыштис зоночка да  
содтис:

— Местаыс миян знаменитөй. Татчөго-  
родісь часто вовлөны.

— Местаыс бур,—согласитчис лөз йөр-  
нөса мортыс.

Нія мунісө ордчөн.

Зоночка шуис:

— Охота меным Ленин вылө видзөтны.

— Мыйлө?

— Но кызд этө сідз: „мыйлө“! Медбы  
төдны, кытшөм сія аснас.


— Обыкновеннөй. Ме вылө, баитөны,  
вачкисьө. Но веськыта кө шуны, он отличит.

— Но да, кызд жө, он отличит!

Мортыс, юрсө чатыртөмөн, пондіс га-  
жөна ваксыны:

— Значит, ме ог вачкисьө?

Зоночка видзөтыштис сы йөрнөс вылө  
да тапочкаэз вылө:



Горки. Литографияыс художник П. Староносовлөн.

— Разь Лениныс ветлөтө лөз йөрнөс-нас? Сія—сьод пиджакөн. Либо френчөн... Сідз, баитөмөн, ния казавтөг локтисө ыджыт пуэз дынө, көдна сайын сулаліс колоннаэза керкуыс.

Лөз йөрнөса мортыс сувтіс.

— А тэнө кыз шуоны, зоночка?—юалис сія.—Тэ кытчө мунан?

— Мишаөн шуоны. А муна ме совхозө капустала.

— Но, значит, тэныт веськыта, а меным бокө. Прощай, Миша.

Зоночка муніс одзлань өтнас. Туй вылын цветтэзөн грядок дынын сулаліс ку-

ранон женской. Кор зоночка локтис мато-  
жык, сия нырыштсис куран вылас да юалис:  
— Мый йылись это тэ сэтчин Лениныс-  
кот баитин?

Зоночка сувтотис корзинкасö и модис  
котортны бөр.

А Лениныс мунис ни.

### *БАСОК РУЧ*

Ленин любитис вöралом. Да шоча сыло  
лөсявлис вöравны: эз вöv эта понда кадис.

Вермас лоны, сийон сылон часто лыйи-  
кө вöлисö промаххез. Но эта эз тшыкот  
сылис удовольствиесö.

Советской кадö ни, кор Ленин шоччи-  
сис шогалом бөрсянь, ерттэс решитисö кор-  
ны сийö вöравны руч выло. Вöли эта төлön,  
бур морозной лунö.

Вöраломсö керисö флажоккезон. Вөр  
гөгöрас, кытön вöли руч нораыс, морталисö  
лымас быдкодь рöма флажоккез. Сыбöрын  
вöралиссез сувтисö асланыс местаэзö. Сув-  
тис öддьон ыджыт пожум сайö и Владимир  
Ильич.

Кытönкө ылын кылис понлön вувтöм.  
Сыбöрын вöрас гимнитис ылынся лыян шы.  
Ленин сулалис киас пишальон. Гөгөр лоис  
лөнъ. Тыдалö, ручсö вашотисö вөр модко-  
некас. Кытшöмкө кай лэбзис Владимир  
Ильич юр вевдөрöt, павкотис пожум вылись

увсö, трекнитіс лымсö. Вылісянь, жагвыв бергалöмөн, кисьтсисö кокнитик лымоккез.

Öддьөн гажа да лөнъ вöлі вöрас.

Видзчисьтөг том кöзок сайсянь мыччисис руч. Сія дзарнитіс, сыбöрын нюжötіс голясö, бытьтö нюкайтіс русö. Гöныс сы вылын вöлі кузь, пушистой. Медбурөн вöлі ыджыт бöжыс. Көр руч вөрötіс бöжнас, сія свиттяліс шонді вылас рыжöй бичироккезөн.

Владимир Ильичöс ручыс эз адззы: сія сулаліс пожум сайын.

Ручыс вдруг чеччöвтіс одзлань да сувтіс. Сія кывзисьыштіс, öвтыштіс бöжнас и полöмөн видзötіс ылö пемыт круглöй синнэзнас: кыліс морт следдэз.

Эта кадö неылын Ленин дынсянь кокнитик тöвсянь вөрзьötчис флажок. Руч повзис и уськötчис бөрлань.

А Ленин дынö котöртіс ни пöрись вöралісь и лөгөн мыйкö горötліс.

Владимир Ильич сулаліс пишаль дулосö увлань лэдзöмөн.

— Мыля нö тэ эн лый? Эд сія ордчөн тэкöt сулаліс, Владимир Ильич!

Ленин шынньыштіс да висьталіс:

— Жаль лоис. Öддьөн ни сія басök.

#### „У-127“

Москваын Павелецкöй вокзалын сулалö необыкновенной паровоз. Сылөн эм аслас номер: У-127.



Но сійö туйö тöдны и номертöг. Сія быдсөн гöрд, только трубаыс краситöм сьöд рöмөн да колесоэз вылас тыдалöны чочком полоскаэз. А „У-127“ нимыс керö-ма золотистой краскаөн.

Быд лунö паровоз свиттялана гöрд борт-тэз вылись буссö чышкöны. Неважын сы вевдöрö строитисö стеклянной крыша: öни „У-127“ вылö оз шед öтик зэр воть.

Строитисö этö паровозсö уна год бөр-лань. Вöли эта сідз. Тöдисö железнодорож-никкез, что Ленин уджалöма Кремльын Всероссийской субботник вылын, решитисö и ас дынаныс керны субботник.

Субботникыс эта кыссис не öтик лун. Унаись öксьывлисö шоччисян луннэзö же-лезнодорожниккез и 1 май лун кежö строи-тисö паровоз „У-127“.

Паровоз шогмис замечательной: строи-тисö сійö медбур кузнецез да слесаррез, краситисö сійö медбур маляррез.

Эта бöрын рабочöйез-железнодорож-никкез постановитисö: подаритны „У-127“ советской властьлö, а Владимир Ильич Ленинöс бöрйыны паровозас почётной ма-шинистөн. Решитисö ыстыны Ленин дынö куим мортöс—висьтавны сылö эта йы-лись.

Кöр куим железнодорожникыс локтисö Кремльö, Ленинлөн секретарь висьталіс ны-лö вежливöя:

— Видзчисьыштö, ёрттэз. Владимир Ильичлö öнi некөр.

Но видзчисьны нылö эз удайтчы. Кыдз только Ленин тöдiс, что сы дынö локтiсö рабочöйез, сiя ачыс петiс ны дынö аслас кабинетiсь.

— Владимир Ильич,—висьталiс сылö рабочöйез коласiсь медпöрисьыс,—мийö тэнö назначитiм „У-127“ паровозö почётнöй машинистөн.

Сiя нюжötиc Лениныслö учötик книжкаок:

— Этö тэнат расчётнöй книжкаыс.

Владимир Ильич босьтiс книжкасö да лыддьötиc:

Фамиллө, ним да айним: **ВЛАДИМИР ИЛЬИЧ ЛЕНИН.**  
Занимайтан должность: почётнöй машинист.

— Мийö этö паровозсö строитiмö суботник вылын,—объяснитiс рабочöй.

Владимир Ильич шуис:

— Öддьөн бур!

Сыбöрын шынньыштiс:

— Ме эд ветлi ни паровоз вылас—кочегарөн. Но, сiдзкö, менö должностьö сьөртi öнi лэбтiсö...

Железнодорожниккез серöмтчисö. Быдыс ны коласiсь бура тöдiс, кызд Октябрьскöй революция одзын Ленин сайöвтчис аслас враггезсянь паровоз вылын кочегар ним увтын.

— А этö, Владимир Ильич, жалованнë тэ-  
ныт кыз машинистлö,—объявитис железно-  
дорожник и сетис Ленинлö деньгаон пакет.

Ленин видзöтыштис пакет вылö, сыбö-  
рын аслас гөссез вылö и минутка дырна  
думайтыштис. А сыбöрын юалис:

— Сидзкö, эта деньгаыс менам?

— Конечно тэнат, Владимир Ильич!

— Но, дак вот мый. Тян, конечно,  
станцияаныт эм асланыт клуб. Сетö этö  
деньгасö сэтчин. Ась ны вылö небöны кни-  
гаэз. Нето, можот, эшö мый-нибудь? Тийö  
асьныт ни видзötö, мый öни клубыс понда  
коланажыкыс.

Рабочöйез дзарнитисö öтамöдныс вылö:

— Кыз жö сидз, Владимир Ильич...

— Да эд тийö висьталит, что эта день-  
гаыс менам. Сидзкö, ме верма керны ськöt  
быдöс, мый меным охота.

Железнодорожниккез чöлисö. Ленин ви-  
дзöтыштис ны вылö:

— Но, тийö мыйынкö сомневайтчатö?

Пöрись рабочöй шуыштис:

— Жалованнëыс эд быд месяцö пондас  
локны...

— Вот и бур! Быд месяцö и сетö сийö  
клубыслö.

Сия бöра шынныштис да крепыта жми-  
тис кисö быд рабочöйлö.

— Медбöрья кадö миян кöрттуйез унаон  
бурсьötисö асиныс уджнысö. Сетö ёрттэз-

лө железнодорожниккеллө месянь благо-  
дарность.

\* \* \*

Эта кадсянь паровоз „У-127“ неетша  
уджалыштіс көрттуй вылас. Сія кыскаліс  
пассажиррезөс да товаррез. Но унажыксө—  
московскöй заводдэз понда угольон поезд-  
дэз.

Аслас медбөрья туйö сія петіс 1924 год  
январь месяцö. Эта вöлі сьöкыт народнöй  
горе лунö: Горкиын куліс ёрт Ленин.

И траурнöй знамяэза паровоз „У-127“  
аслас почётнöй машинистлісь телосö кыс-  
кис Москваö.

Берегитöны öні железнодорожниккес  
этö паровозсö. Берегитöны крепыта, кыз  
Ленин йылісь памятьсö.

### **ЛЕНИНЛÖН БЮСТ**

Парижын, Франция столицаын, вöлі все-  
мирнöй выставка.

Быдöс странаэз вайисö татчö образец-  
цез нія вещьезлісь, көднаөн нія славитчö-  
ны. Эна вещьез понда строитісö торья  
зданнёэз—павильоннэз.

Советскöй павильонсö туйис тöдны ылі-  
сянь. Сы крыша вылын лэбтісисö кык öд-  
дьөн ыджыт фигура—рабочöйлөн да кол-  
хозницалөн. Нія вöлісö кисьтöмөсь несі-  
ман стались. Вылö лэбтöм киэзын нія нуи-

сö ас одзаныс шондi вылын югьялан чар-  
ла да молот.

Павильон пытшкас вöлисö сувтötömöсь  
вещез, кöднаон гордитчö миян родина.  
Картинаэз да таблицаэз вылын вöли мыч-  
чалöма, кыз олö да уджалö свободной  
советской народ, кыз олöны да велötчö-  
ны счастливой советской челядь.

А медыджыт комнатаын ловья цветтэз  
коласын сулалис Владимир Ильич Ленин-  
лөн бронзой бюст.

Выставка коста советской павильонö  
вовлис уна отир: вовлисö рабочöйез, учё-  
нöйез, писателлез, солдаттэз, крестьяна,  
учителлез...

Öтпыр сёрон рытнас, көр миянлись па-  
вильонсö мöдисö пöднавны ни, локтис сле-  
пöй.


Сийö нуötис кипölötтяс гажтöм чу-  
жöма женской. Сия вайötис слепöйсö Ленин  
бюст дынö, а ачыс кежис бокö.

Слепöй павкötис кинас бронзой бюст-  
сö. Чуннес сылөн павкисö Ленин пельпон  
бердö. Сэк слепöйыс осторожной лэбтис  
кисö вылöжык, и чуннес сылөн чожа кайи-  
сö вывланьö, бронза бердö чуть павкöt-  
чöмөн.

Павильонись служащöй сибötчис жен-  
скойыс дынö да юалис:

— Кин эта сэтшöмыс? Мый сылö колö?  
Женскойыс ответитис:





В. И. Ленинлөн бюст. Скульптураыс художник  
Б. Королевлөн.

— Эта менам жөникө. Сылись война  
вылын сотисö синнэсö.

Служащöй видзöтыштис: синнэз туйö сле-  
пöйыслөн вöлисö страшнöй пемыт гөппез.

Женскöйыс висьталіс:

— Кытшöм сія вöлі вына, көбы тэ тöдін!  
Слепöй лэбтіс умöльтчöм кисö и бöра павкötчис бюст бердö. Эта кадö чуннес сы-  
лөн видзсисö Лениныс прекраснöй кымöс  
вылын.

Сыбöрын сія кисö лэдзис. Сы чужöм  
кузя жагöник лэдзчисö синваэз.

Женскöйыс висьталіс:

— Ме эг вермы сылö откажитны эта-  
ын... Эд сія некөр эз адззыв Ленинöс порт-  
реттэз вылісь.

Слепöй сё эшö сулаліс бюст одзын.  
Сія эз чышкы ассис синваэсö. Неötпырысь  
лэбтыліс сія кисö, берегитчöмөн павкöt-  
чывліс Ленин бюст бердö и вились сула-  
ліс вөрötчытöг, пемыт сингöппезнас ас  
одзас веськыта видзötöмөн.

Медбöрын сія шуис:

— Öні ме адззылі сійö. Ме адззылі  
Ленинöс.



Перевод *М. Чугаева* и *М. Утробина*  
Редактор *З. Тетюева*

Техредактор *Ф. Яркова*  
Корректор *Е. Кривошекова*

Сдано в набор 10/IV 41 г. Подписано к печати 26/IV-41 г. Формат бумаги  
62 X 94<sup>1</sup>/<sub>16</sub>. Печат. л. 3,75. Авт. л. 1,5. Уч.-изд. л. 1,7. В 1 печ. л. 19340 тип. зн.  
ЛБ18541. Заказ № 635. Тираж 3000.

г. Кудымкар. Типография Молотовского Областного Управления издательств  
и полиграфии.



24985

А. Кононов  
РАССКАЗЫ О ЛЕНИНЕ

*На коми-пермяцком  
языке*